



ODA E AVOKATËVE TË KOSOVËS
ADVOKATSKA KOMORA KOSOVA
KOSOVA BAR ASSOCIATION

V.KD.Nr.13-8/2022

KOMISIONI DISIPLINOR I ODËS SË AVOKATËVE TË KOSOVËS, në Kolegjin e përbërë nga Besian Sylja - Kryetar, Adnan Pacolli dhe Bajram Lajçi – anëtarë, me pjesëmarrjen e procesmbajtëses Vjollca Ajeti, Administratore në zyrën Disiplinore të OAK-së, në çështjen disiplinore sipas Propozimit me nr. 30-3/2021 të dt. 09.06.2022, të Zyrës së Prokurorit Disiplinor të OAK-së, kundër të paraqiturës _____ avokat nga _____ me adresë në Rr. _____, në bazë të nenit 56 paragrafi 1, të Ligjit për Avokatinë, nr. 04/L-193, lidhur me nenin 127 të Statutit të OAK-së dhe nenit 35 të Rregullores për Procedurën Disiplinore për Avokatë dhe Praktikantë, pas mbajtjes së seancës jopublike të shqyrtimit kryesor disiplinor, me dt. 27.09.2022, mori këtë:

V E N D I M

- I. HUDHET Propozimi i Zyrës së Prokurorit Disiplinor me nr. 30-3/2021 të dt. 09.06.2022 dhe PUSHOHET procedura disiplinore ndaj të paraqiturës av. _____ me nr. _____ të licencës _____ me seli të zyrës në _____ rr. "_____" _____, për shkak të arritjes së afatit të parashkrimit absolut për zhvillimin e procedurës disiplinore.
- II. Shpenzimet e procedurës disiplinore mbulohen nga mjetet buxhetore të OAK-së.

A r s y e t i m

Me datën 26.07.2022, Zyra e Prokurorit Disiplinor të OAK-së, në Zyrën e Komisionin Disiplinor ka paraqitur propozimin disiplinor nr. 30-3/2021, kundër të paraqiturës av. _____ me nr. _____ të licencës _____ me seli të zyrës në _____, rr. "_____" _____ për kryerje të shkeljes së rëndë disiplinore nga neni 118, paragrafi 1.3 i Statutit të OAK-së, lidhur me nenin 37 dhe 39 të Kodit të Etikës Profesionale të Avokatit.

Kolegji disiplinor, me dt. 30.06.2022, mbajti seancën e shqyrtimit fillestar dhe pasi shqyrtoi propozimin e Prokurorit Disiplinor me provat e bashkëngjitura, vendosi për vazhdimin e procedurës disiplinore ndaj të paraqiturës së lartcekur.

Kolegji disiplinor, me datën 27.09.2022, ka mbajtur seancën kryesore dëgjimore, lidhur me këtë çështje disiplinore, në prezencën e Prokurorit Disiplinor të OAK-së, z. Rexhep Veseli,

përfaqësuesit të ushtruesit të fletëparaqitjes
dhe të autorizuarit të saj av.

– , të paraqiturës av.


Kolegji Disiplinor i OAK-së, pas përfundimit të seancës së shqyrtimit kryesor, dëgjimit të palëve, shqyrtimit dhe analizimit të provave të administruara, konstatoi se shkelja disiplinore e pretenduar në propozimin disiplinor nuk futet në kategorinë e shkeljeve të rënda disiplinore. Këtë vlerësim Kolegji e bëri bazuar në nenin 253, paragraf 2, të Kodit të Procedurës Penale, i cili zbatohet përshtatshmërisht edhe në Procedurën Disiplinore në OAK, lidhur me nenin 121 të Statutit të OAK-së, ashtu që e konsideroi si shkelje të lehtë disiplinore meqenëse në veprimet e të paraqiturës mungon pasoja e rëndë apo dëmtimi i rëndë, sepse nga provat e administruara nuk u vërtetua se ushtrueses të fletëparaqitjes i është shkaktuar dëm apo pasojë e rëndë.

Shkelja e pretenduar sipas propozimit disiplinor është kryer me dt. 15.03.2021. Sipas nenit 56, paragraf 1 të Ligjit të Avokatisë, fillimi i procedurës disiplinore për shkelje të lehta parashkruhet gjashtë (6) muaj pas njoftimit për shkeljen e bërë dhe kryesin, kurse në çdo rast parashkruhet pas kalimit të afatit kohor prej një (1) viti prej ditës së kryerjes së shkeljes. Në rastin konkret, Kolegji konstatoi se shkelja disiplinore është parashkruar në mënyrë absolute me dt. 15.03.2022.

Prandaj, në bazë të nenit 56 paragrafi 1, të Ligjit për Avokatinë, nr. 04/L-193, lidhur me nenin 127 të Statutit të OAK-së dhe nenit 35 të Rregullores për Procedurën Disiplinore për Avokatë dhe Praktikantë, Kolegji vendosi si në pikën I të dispozitivit, ndërkaq vendimi për shpenzimet e procedurës disiplinore u mor në bazë të nenit 37 paragraf 2, të Rregullores për Procedurën Disiplinore për Avokatë dhe Praktikantë.

Komisioni Disiplinor i Odës së Avokatëve të Kosovës
V.KD.Nr.13-8/2022, dt. 27.09.2022

Procesmbajtësja
Ma.sc.Vjollca Ajeti



Kryetar i Kolegjit Disiplinor
Av. Besian Syla



KËSHILLË JURIDIKE

Kundër këtij vendimi, palët kanë të drejtë të paraqesin ankesë në Komisionin e Ankesave të OAK-së, në afat prej 8 ditësh nga dita e pranimi të vendimit. Ankesa i dërgohet Komisionit të Ankesave në OAK, përmes këtij Komisioni.